



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avgvstini Barbosæ I. V. D. Lvsitani, Protonotarii, Et
Ivdicis Apostolici designati pro Tribunali Nunciaturæ
Hispaniæ, ac insignis Ecclesiæ Vimaransenis Thesaurarij
Maioris, Collectanea Doctorvm, Qui ...**

Barbosa, Agostinho

Venetiis, 1643

2. Patriarchæ, Primate & alij superiores Prælati dent operam, vt recipiantur, & obseruentur decreta Concilij ab ipsis, & à suis subditis, & negligentes ad Papam denuncientur; qui, quidem superiores ...

urn:nbn:de:hbz:466:1-14108

Patriarcha Primates, & alij superiores Prælati dent operam, vt recipiantur, & obseruentur decreta Concilij ab ipsis, & à suis subditis, & negligentes ad Papam denuncientur, qui quidem Superiores curent, vt in omnibus locis, & præcipue in Vniuersitatibus sanam doctrinam Doctores doceant, vt in text. & præcipue quoad fidei professionem emittendam.

C A P V T II.

1. Concilium Trid. in omnibus suis dominijs recipi curauit Carolus V. Imper.
2. Philippus II. idem sanciuit.
3. Rex Hispaniarum est defensor Concil. Trid.
4. Vniuersitates Canones & decreta Concilij Tridentini recipere debent.
5. Commentarij, annotationes, & glossæ edi non possunt

super Concil. Trident. ex Bulla Pij IV.

6. Constit. Pij IV. non loquitur de interpretationibus, quæ in scholis fiunt docendo.
7. Iura vbi disponunt, non decet pro iuris declaratione ad Papam recurrere.
8. Translationes sacri Concilij Trid. prohibite.

Cogit temporum calamitas, & inualescentium hæresum malicia, vt nihil sit prætermittendum, quod ad populorum ædificationem, & Catholicæ fidei præsidium videatur posse pertinere. Præcipit igitur sancta Synodus Patriarchis, Primatibus, Archiepiscopis, Episcopis, & omnibus alijs, qui de iure, vel consuetudine in Concilio prouinciali interesse debent, vt in ipsa prima Synodo prouinciali, post finem præsentis Concilij habenda, ea omnia & singula, quæ ab hac sancta Synodo definita, & statuta sunt, palam recipiant, necnon veram obedientiam summo Romano Pontifici spondeant, & profiteantur, simulque hæreses omnes, à sacris Canonibus, & generalibus Concilijs, præsertimque ab hac eadem Synodo damnatas, & publicè detestentur, & anathematizent. Idemque in posterum quicumque in Patriarchas, Primates, Archiepiscopos, Episcoposque promouendi, in prima Synodo prouinciali, in qua ipsi interfuerint, omnino obseruent. Quod si quis ex supradictis omnibus, quod absit, renuerit, Episcopi comprouinciales statim summum Romanum Pontificem admonere sub pena diuinæ indignationis teneantur, interimque ab eiusdem communione abstineant. Cæteri verò omnes, siue in præsentem, siue in futurum beneficia Ecclesiastica habituri, & qui in Synodo diocesana conuenire debent, idem vt supra, in ea Synodo, quæ primo quoque tempore celebrabitur, faciant, & obseruent: aliàs, secundùm formam sacrorum Canonum puniantur. *a Ad hæc, omnes ij, ad quos Vniuersitatum, & studiorum generalium cura, visitatio, & reformatio pertinet, diligenter curent, vt ab eisdem Vniuersitatibus canones, & decreta huius sanctæ Synodi integrè recipiantur, ad eorumque normam Magistri, Doctores, & alij in eisdem Vniuersitatibus ea, quæ b Catholicæ fidei sunt, & doceant, & interpretentur seque ad hoc institutum initio cuiuslibet anni solemniter iuramento obstringant: sed & si aliqua alia in prædictis Vniuersitatibus correctione, & reformatione digna fuerint, ab eisdem, ad quos spectat, pro religionis & disciplinæ Ecclesiasticæ augmento emendentur, & statuantur. Quæ verò Vniuersitates immediatè summi Romani Pontificis protectioni, & visitationi sunt subiectæ, has sua Beatitudo per eius delegatos eadem, qua supra, ratione, & proci vtilius visum fuerit, salubriter visitari & reformari curabit.*

a Cap. sicut & c. excommunicatus, in 2. de heret. c. 2. in fin. de summa Trinit. cum sim.

b Vide sess. 5. c. 1. de reformat.

1. IN executionem præsentis decreti Carolus V. Imperat. non solum Hispaniæ, vbi regnabat, sed Germaniæ, vbi imperabat, & omni Orbe recipi Concilium Tridentinum curauit, & in Augustano Conuentu omnes Principes se submittant illi, ex Laurent. Surio in comment. de Carolo V. anno 1547. & 1548. fol. mibi 436.
2. Philippus II. prædicti Caroli filius die 21. Iulij 1564. Regia mandata expediuit, vt in vniuerso Regno custodirentur decreta sacri Concilij Tridentini, & Concilia Prouincialia conueniri curauit, iuxta eiusdem Concilij in præsentem dispositionem, vt illud reciperent, prout attestantur Herrera in historia eiusdem Philippi II. libro 6. capitul. 1. anno 1564. Fr. Emman. questione regular. tom. 2. quest. 63. artic. 19. Bobadil in sua Politica lib. 2. c. 18. nu. 194. Jacob. Valdes. de dignitate Regum Regnorumque Hispaniæ, cap. 22. num. 5.
3. Vnde Concilij Tridentini defensores, & tuitorem Regem nostrum Hispaniarum appellant, ad quem pro defensione contentorum in Tridentino recursum legitimum interponi posse existimant Soar. de Pace in praxi tom. 1. præf. ult. Bobadil. d. cap. 18. num. 135. Flores de Mena var. lib. 1. g. 4. num. 35. cum alijs citatis infra ad cap. 20. num. Barbof. Collect. in Concil. Trid.

15. sess. 25. de reform.

a Ad hæc omnes ij, ad quos Vniuersitatum, & c.] Quod etiam Pius IV. in sua Constitut. incip. In sacrosancta, sub dat. Idibus Nouembris 1564. in Bullario nouo in ord. 114. obseruari præcepit in ordinatione & promotione Doctorum, & per alios cuiuslibet artis, & facultatis Professores, refert Anton. Ricciul. de iure personarum extra grammum eccles. existens. libro primo, capitulo 13. numero secundo, vbi numero nono, subdit ex eadem Pij IV. constitutione Magistros, & Doctores Vniuersitatum, & studiorum generalium teneri fidei professionem facere in Rectorem, vel aliorum studij superiorum manibus, de quo etiam Aloyf. Ricc. dicit. decif. 84. parte quarta, & Stephan. VVeyms ad constitutiones 24. ex luvæ antiquo desumptas, & per Concilium Tridentinum innouatas in fine, in coronide pag. 287.

b Doceant, & interpretentur.] Pius IV. in sua constitut. 5. incip. Benedictus, sub dat. septimo Kalend. Februarij 1563. prohibuit sub pena excommunicationis, ne quisquam villos commentarios, annotationes, glossas, scholia, vllumve interpretationis genus super Concilij Tridentini decretis quoquo modo sine auctoritate Sedis

Kk 2 Apo-

Apostolica edere, aut quicquam quocunque nomine, citam sub praetextu maioris Decretorum corroborationis, aut executionis, aliove quaesito colore statueret, de qua meminerunt Henriquez in summa lib. 7. de Indulgent. capitul. 29. §. 4. Soar. tomo 5. de censuris, disputatione 23. sect. 3. numero 12. Fr. Emmanuel quaestione regular. tomo 1. quaestione 11. articulo 3. Franc. Leo in thesauro fori ecclesiast. parte 2. capitul. 9. numero 33. Bonacina de legib. disputatione 1. quaestione 1. puncto 8. Fr. Ludovic. Miranda in Manual. Pralator. tomo 2. quaestione 26. articulo 11. Valer. Reginald. in praxi fori pontif. libro 20. numero 53. in fine, vbi dicit in dicta Constit. non esse sermonem de interpretationibus, quae in scholis fiunt docendo, optime Homobon. de Bonis de examine ecclesiastico tract. 11. cap. 12. quaest. 27.

resol. 1. pag. 309. vbi dicit illam constitutionem intelligendam esse de interpretatione hominis captiosa.

In casu enim quo iura disponunt non decere pro iuris declaratione ad Papam recurrere, respondit sacra Congregatio Illustrissimorum Cardinalium pro dubijs Concil. Trid. praepositorum, prouidonei testes nobis sunt, Nicol. Gare. de benef. part. 3. cap. 2. num. 179. in 24. declarat. & Amendar. in addit. ad recopil. legum Nauarre lib. 2. tit. 23. l. 2. §. 2. de resident. numero 151. in fine.

Translationes, siue quaecunque versiones sacri Concilij Tridentini de lingua Latina in Gallicam continentur in prohibitione Bullae Pij V. super confirmatione Concilij, Sel. in selectis canonic. cap. 19. num. 51. vbi refert decretum sub die 2. Junij 1629.

Excommunicationes non facile decernantur, & concedantur, sed ex grauioribus causis, & magna circumspectione, ut ibi. Excommunicati si per annum non resipiscuntur, de haeresi suspecti teneantur.

C A P V T III.

- 1 Doctores de materia cap. agentes.
- 2 Monitoria, quae fiunt ad finem reuelationis non sunt concedenda, quando certa sunt persona.
- 3 Praelati inferiores non possunt monitoria qua fiunt ad finem reuelationis, concedere.
- 4 Monitoriales litterae, etiam lite pendente, absque initio attentatorum concedi possunt ab Episcopo, nisi sit inhibitus.
- 5 Vicarius generalis Episcopi ex officio potest excommunicationem, seu monitoriales litteras decernere.
- 6 Vicarius generalis à Capitulo Sede vacante monitoria concedere potest.
- 7 Vicarius foraneus monitoria concedere non potest.
- 8 Legatus à latere, & Nuncius Apost. monitoria concedere possunt.
- 9 Praelati ordinarij etiam exempti, & immediate Sedi Apostolicae subiecti monitoria concedere possunt.
- 10 Praelati Regulares Conuentuales monitoria in subditos suos dirigere non possunt.
- 11 Testes laicos ad ferendum testimonium veritatis pro Curia Episcopalis informatione potest Episcopus citare sub poena pecuniaria, & in subsidium excommunicationis.
- 12 Reuelare tenentur scientes non obstante affinitate, nec quod veritas haberi aliter non potest vigore excommunicationis late in litteris monitorialibus Apostolicis.
- 13 Cancellarius pro publicatione, aut monitione significanti, non potest aliquid percipere.
- 14 Excommunicatus ecclesiastica sepultura tradi debet, si in mortis articulo confessionem postulet.
- 15 Monitoria pro qualibet parua re decernenda non sunt.
- 16 Monitoria ad finem reuelationis concedenda sunt illi, cuius interest, & non alijs.
- 17 Monitoria absque petentis interesse concessa sunt reuocanda.
- 18 Monitoria in subsidium concedenda.
- 19 Censurarum remedium hodie est subsidiarium.
- 20 Excommunicatio in subsidium ferenda.
- 21 Concilium in praesenti non imponit formam, sed tantum tradit instructionem.
- 22 Declaratoria concessa diligentis non premisis nulla non est, sed iniusta.
- 23 Excommunicandi morosum in solutione pensionis quando datur facultas in litteris Apost. non tenentur executor in ferenda sententia excommunicationis seruare formam huius decreti.
- 24 Episcopus debet pecuniarias penas ad pios vsus erogare.
- 25 Pena pecuniaria, quae arbitraria fuerint, locis pijs sunt ab Episcopo omnino applicandae.
- 26 Pena criminales distribuendae locis pijs.
- 27 Pena criminales non debent erogari pro fabricis Ecclesiae cathedralis.
- 28 Episcopus propria ordinaria iurisdictione cognoscit causas etiam contra laicos per honorum apprehensionem, & personarum distractionem.
- 29 Tutius appellantes an prohibeantur per hoc decretum.
- 30 Recursus ad indices laicos prohibiti.
- 31 Salzed. hoc decretum interpretari frustra conatur.
- 32 Gaspar Roderic.
- 33 Inforscencia per annum in excommunicatione quando dicatur contracta.
- 34 Doctores de inforscentibus per annum in excommunicatione agentes.
- 35 Clericus persistens per annum in excommunicatione lata propter crimen, quod infert penam priuationis, est priuatus ipso iure beneficijs.
- 36 Clericus persistens per annum in excommunicatione pro causa mere ciuili, non est priuatus beneficijs, nec potest priuari per sententiam.
- 37 Annus debet esse continuus vt dicatur contracta inforscencia in excommunicatione.
- 38 Suspectus de haeresi reputatur persistens per annum in excommunicatione, tam ex causa criminali, quam ex causa ciuili.